



Le Signur é mia lòm y mia salveza.

La ploania d'La Pli á tut comié da **Mattia Astner** (+ 18.02.2017, 84 agn) y ti fej les condolianzes ala parontela. Che le Signur toli sô sôa anima te sôa abitaziun lominosa de ligreza y de pêsc!

- **Domegna dla dljia te ciasa:** te "Sonntagsblatt" o sôn la plata dl'Unité Pastorala <http://www.valbadiaonline.it/comunite/ploanies/material-download/devoziuns-a-ciasa.html> ciafunse na proposta por la funziun dla pröma domegna de carsema te familia.
- **Funziuns de Carsema:** le dedemesaledema gnarál ince dit, ales 16:00, les Staziuns te dljia da Pliscia.



enformaziuns y termins

KVW Senioreclub: en dedemesaledema ai 8 de merz tolunse le citybus dles 13:50 dal Cone demez, por jí ia La Pli. Da enló demez ván fora Pliscia y an fajará na picia meditaziun tla dljia de San lorz. An ven spo ete zoruch a La Pli y con le citybus a Al Plan. Sce al ess da ester bor' tomp, s'abinunse te salf dles manifestaziuns con en pü' d'aorela cörta.

KVV: le KVV envieia ala 49^a encuntada dles porsones vedoes y sores de döta la diozeja en domegna ai 12 de merz ales 9:30 tl'Academia Cusanus a Porsenú. Le bus peia ia da Longega ales 7:45; le iade é debann, la marena costa 17,00 €. Prenotaziuns cina ai 8 de merz pa Maria de Ierghela ☎ 0474 501322.

Ciasa de Palsa: tla Ciasa de Palsa Ojöp Freinademetz a San Martin él gnü arjigné ete cuartiers da destiné a porsones sora i 70 agn ciamó autonomes y co chiriss na poscibilité da jí a abité por so cunt. Pa chisc cuartiers vegnel ince pité le "sorvisc da d'abité accompagné". Enteressés ciafa enformaziuns plü menüdes tai ofizi dla Ciasa de Palsa dertan l'orar de laur (8:00 - 12:00 y 14:00 - 17:00) ☎ 0474 524786.

Curs: l'Uniun dles Patrones de Mareo organiseia en curs da fá n fotoalbum digital con Gustav Frenademez, i lönesc ai 24 d'aorí y ai 8 de ma, dales 20:00 ales 22:00 tla scora mesana d'Al Plan. Le curs é davert y düc i enteressés; enformaziuns y prenotaziuns pa Agata, ☎ 338 7704094 o scrí sôn Whatsapp.

Scora de Musiga Val Badia: les iscriziuns ala Scora de Musiga por l'ann de scora 2017/18 ven tutes sô dertan döt le mens de merz. I formulars ciafon tal secretariat dla Scora de Musiga a La Ila o te internet (sot a www.musikschule.it). Por enformaziuns, ☎ 0471 847748.

| | | |
|----------------------|--|------------|
| Döt le bun a: | Berta Kanetscheider Glira, San Ciascian | 05.03.1937 |
| | Lena Frena Brandlechner | 09.03.1930 |
| | Teresa Rigo Taibon | 09.03.1934 |
| | y a düc chi co á santennom y compless i agn cöst'edema | |

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
 Santa Maria dal Bun Consei

Ploan: **Signor Heinrich Perathoner**
 E-mail: ploania@gmx.net

Calogna Al Plan: **0474 501006**
 Radio de Ploania: **93,00 Mhz**



N meterman nò

📖 **Gen 2, 7–9; 3, 1–7 | Rom 5, 12–19 | Mt 4, 1–11**

Dal Vangelo do San Mateo:

Te chel tomp ¹é Gejú gnü condüt dal Spirit tal desert, por gní mené tla tontaziun dal malan. ²Do ch'al á albü jiné caranta dis y caranta nets ál ciafé fan. ³Spo ti él jü pormez le tontadú y ti á dit: Sce t'es le Fi de Dio, spo comana ch'al vegnes pan fora de cöstes peres. ⁴Mo el á respognü: Tla Scritöra vegnel dit: Le chescian ne vir nia ma de pan, mo de vigne parora co ven dala bocia de Dio. ⁵Spo l'á le malan tut con el tla Ciüté Santa y l'á motü sô ensom le templ ⁶y ti á dit: Sce t'es le Fi de Dio, sciürete jö, ciodich'al stá scrit tla Scritöra: Al comana sü angeli de te porté sôn söes mans, che to pe ne ciumpedes nia te na pera. ⁷Gejú ti á respognü: Tla Scritöra stál ince: Te ne deses nia meter ala proa le Signur, to Dio. ⁸Endô l'á le malan tut con el y l'á condüt sôn na munt der alta; al ti á mostré i regns dal monn te sôa gloria ⁹y ti á dit: Döt cösc ôi te dé, sce te te petes ia por tera y m'adoreies. ¹⁰Sôn chera ti á Gejú dit: Vátan, sátana! Ciodiche tla Scritöra stál: Ma le Signur, to Dio, desste adoré y el su desste sorví. ¹¹Sôn chera l'á le malan lascé, y al é gnü angeli y l'á sorví.

I ponsun do

I fajun entres endô l'esperionza, tan trep che le dejider do scioldi, autorité y consum enfluenzeia les porsones. Ensciö rounse tal prigo da se desmoncé o sbürlé sôn na pert ci co cunta veramonter. Ince Gejú é gnü tonté. El ô se dé da capí ch'al é cosses plü emportantes co le pan. De carsema orunse proé da odei ete cösc y renunzié de nosta bona a val.



I periu

Beldio, to Fi á tigní bot ala tontaziun. Deidesse ponsé sen de carsema ales cosses emportantes y fá ch'i te romagnunse fedei ince sce i gnun motüs ala proa. Por Crist, nosc Signur.

Wilhelm Egger "Sonntagsbibel"

📖 **Letöres dla Secunda domegna de Carsema:**
Gen 12, 1–4a | 2 Tim 1, 8b–10 | Mt 17, 1–9

Edema liturgica dai 05.03. ai 12.03.2017

| | | |
|----------------------------------|--|--|
| DOM 05. | Pröma domegna de Carsema domegna dla dlija te ciasa | <i>Oliva, Dietmar</i> |
| 08:30 | gran messa por döta la ploania y devoziun a Santa Maria 3. s.m. de sopoltöra por + Mattia Astner, Ciasanea corona dla comunité | <i>oferta por i debojügn dla ploania</i> |
| ▶ 19:00 <i>10 y 18</i> | les ciampanes envieia al'oraziun te familia <i>s.m. a Al Plan</i> | |
| Lön 06. | <i>Fridolin, Coleta</i> de d'oraziun personala y te familia | |
| Ded 07. | <i>Perpetua y Felizita, Reinhard</i> 07:30 s.m. por + Jep Rigo, Rara s.m. por + Josef Kosta, Longega | |
| Dem 08. | <i>Jan de Dio, Georg Michael</i> ▶ 19:30 funziun con les Staziuns con l'Uniun dles Eres | |
| Jöb 09. | <i>Bruno da Querfurt, Franzisca, Dominicus Savio</i> 19:30 s.m. dai crejimanc y scolari dla mesana por vis y +ti dla familia Agreiter, Orghelist s.m. por + Anastasia Terza, d'André | |
| Ven 10. | <i>140 martirs, Gustav, Milio</i> astinonza dla cern ▶ 19:30 funziun penitenziala de Carsema | |
| Sab 11. | <i>Rosina, Ulrich</i> <i>18:00 s.m. prefestia a Al Plan</i> 19:30 s.m. prefestia por +ti prei signor Merch, signor Matio y sig. Heinrich Videsott s.m. por fam. Georg y Anna Mühlmann, Baldessé | |
| DOM 12. | Secunda domegna de Carsema | <i>Gregor, Beatrix</i> |
| 08:30 <i>10 y 18</i> | gran messa por döta la ploania <i>s.m. a Al Plan</i> | <i>oferta por i debojügn dla ploania</i> |
| ampola: | por fam. Ellecosta, La Costa | |

ministronc: ▶ da doman y domegna: Rudi Ellecosta y Thomas Ellecosta
▶ da sera y domegna: Roman Frontull y Jan Burchia

i recordun: Alfons Pedevilla, Braies + 07.03.2013

Fá deplü fora dla Carsema – aziun dl'Unité Pastoral Val Badia



“Fá empara! A ci podessi pa renunzié?”

L'Unité Pastoral Val Badia envieia vignönn y vignöna a fá deplü fora dla Carsema. Jenn fora da na parora dal Vangelo dla domegna metunse dant edema por edema na proposta concreta por valorisé danö la ligreza y la speranza liada ala Bona Noela. Les esperionzes pó gní partides con i atri les publichenn sön la plata facebook (Gruppe: Aktion Verzicht) o internet (www.aktion-verzicht.net)



Le chescian ne vir nia ma de pan, mo ...“ - Mateo 4,4

Cöst'edema meti averda a ci ch'i cumpri. L'adori? Da olá vegnel pa adalerch? Tan de refodam restel pa? Con ci ch'i sparagni feji ...



La pordica dla munt cuntada ai mituns (7)



Dal scinché

La jont se fajea demorveia de ci che Geju á dit. N'él nia döt val d'ater de ci ch'ai á aldí y vit cina sen? Fossai ei stés bogn da müdé le monn, sc'ai ess fat desco Gejú y vit desco el?

Gejú ea jü ia da na jona co ea sontada enló dlungia y á dit: Tö conescs porsones co ti dá emportanza ch'ares vegni odüdes canch'ares fej dal ben. Ares ô gní osservades sc'ares ti dá val a n petler, sc'ares scinca ia val o é da orei bun con d'atri.

Ares ô gní laldades, ince sc'ares á belo ciafé le paiamont por ci ch'ares á fat. Tö dess fá döt atramonter: sce tö scinches val o sce tö fejes val de bun, spo fále zonza ch'an te veiga! Te dess fá ensciö desche töa man derta ne sess nia ci che la ciampa fej. Nosc Pere sö al Ci veiga ince ci che les porsones ne veiga nia; al veiga ince le bun co sozed tal ascognü. La jona s'la riea y dijea: Poa ensciö ôi fá. Nia braé con ci chi feji, mo fá de ben y Chelbeldio l'odará!



GEBETSMEINUNG
DES PAPSTES FÜR

März

Wir beten für
Die verfolgten Christen –
Wir beten, dass sie durch die Gebete und die materielle Hilfe der ganzen Kirche unterstützt werden können.

„Wir jungen Christen sind aus dem Wasser und dem Heiligen Geist wiedergeboren zu neuem Leben. Wir tragen das Licht der Wahrheit, Christus, in uns. Wir tragen dieses Licht aber nicht zaghaft für uns allein, wir sind hineingesandt in die Welt. Ist durch die Taufe in uns Licht geworden, so sind wir durch die Firmung Lichtträger geworden, Beauftragte, das Licht leuchten zu lassen, Zeugnis zu geben vom Licht.“

Josef Mayr-Nusser